

Кому Республикаса том войтырлөн газет



МОСТА

2014
кӧч
26-ӧд
лун

38№
(1163)



Америка!

Тэ сэтшӧм

ылын

и сэтшӧм

матын

8-9 л.б.



**Тайо
НОМЕРЫН**

Сентябрь 27 лунö кутам нимодны детсадын уджалысьясос. Тайо ыджыд сьолöма да челядьос радейтысь йöзыслы пыр окота муодз копыртчивны, öд сы мында вын да терпenny колö дзюлокъясöс быдтöм-видзöм да подув тöдöмлун сетöм могысь.

Юркаса 72 номера детсадын уджалöны челядькöд дзик öткoдъ кык ань - звонни чойяс - Ольга да Елена Леонидовна Ветошкиная.

5
Л.Б.

Сентябрь 30 лунö Вылыс Максакoвкaса «Лира» прöст кад коллялан шöринын адзысьлисны öтилаын и Емабаба, и Пера-багатыр, и 15 номера школарысь 4 класса велöдчысьяс. А дасьтисны тайö гажчукöртчöмсö шöринысь да посёлкoса мöд номера библиотека-филиаын уджалысьяс.

6
Л.Б.

Комиыдлы Америкаыд, вöлöмкö, абу и ылын. Колö пö сöмын ыджыд кöсийöм, виза да неуна шуд. Тадзи суйöр сайö ветлöм йылысь висьталис Влад Зварич, Ю.Спиридонов нима искусствoяс гимназияын англия кыв велöдысь. Тавoся гожöмнас том морт матö куим тöлысь öлис океан сайын.

8-9
Л.Б.

Тайö петасын «Йöлöгалы» тöдса нин ань, Эжваса серпасаян школаын велöдысь Елена Юрьевна Ветошкина, велöдö дасьтыны ичöтик козин. Регыд öд кутам пасйыны Велöдысь лун, а ас киöн дасьтöмторийыд ёна и любö лоö радейтана велöдысьыдлы.

15
Л.Б.



Ок, и йöктыштасны!

Сентябрь 19 лунö В.Чисталёв нима культура колледжысь «Хореографическое творчество» специализация вылын гырысь курсса велöдчысьяс чолöмалисны выльöн воём велöдчысьясос. Быд во культура колледжын муно татшöмсяма гажыс, медым том студентъяс медводдза лунсянысь кылисны асьнысö колана войтырöн, мый веськалисны эз кытчöкö бокö, а, поэбö шуны, асланыс мöд гортас, кöни ковмас колявны уна кад, тöдмасыны выль йöзкöд да ёртасыны.

Гырысьджык студентъяс окотапырысь петкöдлисны йöктыны кужöмлуннысö, кодыясос донъялис зэв стрöг жюри. Сценарий серти, йöктысьяс пöвстысь кодыюрöлы ковмис пуктыны ыджыд вын, медым веськавны «Тодес моляс» ансамблö. И сöмын медводдза курсы мойвиис - ставныс найö лоины тырвийö студентъясöн.

Гаж помын медводдза курсö воысьяс сетисны кыв, мый йöктыны найö кутасны радейтны асьнысö дорысь на ёнджыка, сетасны ставвынсö, медым бура велöдчыны. А козин пыдди «ичöгъяслы» «гырысьясынь» вичмис хореографическöй тупли, кодыс мичмöдöмаöсь 4 курсса велöдчысьяс. Кутам лача, мый медводдза курсö пырысьяс пöвстысь ставныс воодчасны медбөръя курсöдз да лоасны бур йöктысьясöн.

В.Чисталёв нима культура колледжлөн сайт серти.



«Ставöн ми - Россия»

Татшöм жö нима став Россияса йöзкост творчество фестиваль тайö вежонö восьтас асьыс öдзöсьяссö Тверь карын. Коми Республикаысь сэтчö мунас 54 морта делегация. Тайö «Сипертас» йöзкостса фольклор петкöдлысь ансамбль, «Зарава» йöзкостса хор да «Пельсь моляс» сьылысь-йöктысь ансамбль.

Быд котырлы ковмас ордйысьны торъя нимпасын. Комиысь артистыяс петкöдласны Тверьса видзöдысьяслы обрядъяс, йöзкостса ворсöмъяс, хореография отсöгөн пуктöм петкöдчöмъяс, сьыланкывъяс, частушкаяс да серамбана сьыланкывъяс.

Вежон помланын нин лоасны тöдсаёсь вермысьяслөн нимъясыс, кодыяс и кутасны петкöдчыны гала-концерт вылын.

Finnougoria.ru сайт серти.



СПОРТ

«Кросс наций-2014»

Глотовоын...

Кольом шойччан лунö став Россияын да республикаса кар-районъясын мунис «Кросс наций - 2014». Ассыныс ордысьсөм-гаж дасьтылысны тшöтш и Угора районь Глотово сиктса школаын велöдысь-велöдчысьяс.

Ордысьсысьяслы финишö некымын метра вотöдз сеталісны дöрапасьяс, буретш татшöм ногön став котöртысьяс лоис вермысьön. Медся ичöt арлыда котöртысьяс - школаö петны локтан воö дасьтысьсыяс. Тайö ордысьсөмön сиктын восьтисны дзоньвидзалуны сиём во. Став окотитысьяс вермас ёнмöдны дзоньвидзалунсö кыдзи котралöмын, сідзи и төвнас лыжи вылын.


Анна КРЯЖЕВСКАЯ




Ыджыдвиддзын...



Кöрткерöс районьсы Ыджыдвиддза войтыр тшöтш петалісны ордысьны-котöртны. Ставнас «Кросс наций-2014» выlö чукöрмывліс 121 котöртысь. Медся ичötыслы, Юлия Столяровалы, сöмын на куйм арöс. А медся арлыда воöзмöстчысьяслы, Сергей Шараповалы, 66 арöс. Котöртисны тшöтш и школаса велöдысь-велöдчысьяс. Майбыр, поводдяыс вöлі мича, шондія. Вермысьяслы вичмисны грамотаяс да медальяс, а юмов козин вичмöдіс Ыджыдвидз сиктса юралысь Николай Иванович Симпелев.





А ті тӓданныд, мый октябрь 15 лун - арся коръяс чукӓртан лун? Но Удора районса Косланын меститчӓм содтӓд тӓдӓмлун сетан шӓриньсы быдтасъяс - «Мозаика» котырӓ ветлысъяс - заводитисны чукӓртны гылалӓм коръяс ӓна водзджык.

Зарни рӓма шебрасӓн вевттысӓӓма муыс

Асланыс велӓдысь О.В.Коровинакӓд ныв-зон ветлисны экскурсияӓн арся паркӓ. Кутшӓм мича арся коръясыс! Гӓрд, виж, зарни рӓма шебрасӓн вевттысӓӓма муыс. Збылысь, мойдывьса кодъ серпас ас синмӓн аддзылисны посниулов. Шоньд арся лунӓ паркын дзюлукъяс лыддисны кывбуръяс, ворсисны да чукӓртисны мича коръяс, сюся корсисны медся-медся мичаяссӓ да уна рӓмаяссӓ.

Чукӓртӓм коръяссӓ челядь пукталисны косътыны, мед бӓрыннас наьсь тӓчны-дасътыны мича серпас-ашпликацияс.

Удора районса Кослан сиктысь школабӓрса удж котыртан шӓринлӓн юӓр серти.



Эм татшом
УДЖ

Сентябрь 27 лунö кутам нимöдны детсадйын уджалысьясöс. Тайö ыджыд сьёлöма да челядьöс радейтысь йöзыслы пыр окота муöдз копыртчыены, öд сы мында вын да терпенньö колö дзюлюкьясьсö быдтöм-видзöм да подуе тöдöмлун сетöм могысь.

Челядь тöдмалöны ки серти

Юркарса 72 номера детсадйын уджалöны челядькöд дзик öткодь кык ань - звонни чойяс - Ольга да Елена Леонидовна Ветошкиная. Ольга öнi кык-куим арöса посниуловöс видзö-такöдö, а Елена старшöй воспитательöн зильö. Кыкнанныс уджалöны 26 во нин.

Ольга Леонидовналы став сьёлöмсянныс окота уджавны дзюлюкьяськöд, адзыны, кызди син водзас быдмöны-сöвмöны челядь, кутшöм окотапырысь ставсö кöсйöны тöдны. Тшöтш и бать-мамкöд сёрнитны-юксыны да сöвет сөтанвы пö кажитчö. А Елена Леонидовналы ёнджыкасö сьёлöм вылас воö зильны уджёртгьяськöд; том специалистгьяськöд да сiдз шусяна стажистгьяськöд, ышöдны найöс водзмöстчыны да пырöдчыны быдсикас уджтас-конкурсö, пыртны уджö выльтор.

Челядьлы зэв ёна кажитчö, мый найöс видзысьясыс - звонни, и öд вель бура торйöдöны Леонидовнаясьсö. Весиг пö, кор кагаöс киöдыс босьтö мöд чойыс, дзик пыр и лэдзчысьöны: абу пö тай тэ! А со бать-мам оз нин торйöдны, быдсикас тешкодторйыс та понда овлö.

А мыйла кык чой бөрйöмаöсь тайö уджсö? - юалöм вылö дзик пыр и сюри налөн вочакывйыс:

- Миянöс детсадйын быдтылис зэв шань ань Татьяна Юрьевна, овыс тай сöмын вунöма, - юксьöны Ольга да Елена Леонидовнаяс. - Сйö миянöс сэтшöма радейтис, мый челядь горö кыскöмыс вужжис быттö и миянлы тшöтш, окота лои сы моз жö став сьёлöмсянь уджавны да радейтны посниуловöс.

Галина МАКАРОВА.
Снимокыс авторлөн.

Став сьёлöмсянь чолöмалам детсадйын уджалысьясöс налөн гажөн! Аттö Тиянлы шаньлунысь, ыджыд терпенньöысь да сьёлöмсянныд дзюлюкьясьсö радейтöмысь. Сиам крепыд дзоньвидзалун, уджаныд виль вермöмгьяс да, дерт жö, кывзысьысь да шань челядьöс.

«Йөлöга» газет редакцияын уджалысьяс



**Поча
Кудийсы**

Сентябрь 30 лунö Вылыс Максаковкаса «Лира» прöст кад коллялан шöринын аддзысьлісны öтилайн и Ёма-баба, и Пера-багатыр и 15 номера школаысь 4 класса велöдчысьяс. А дасьтісны тайö гаж-чукöртчöмсö шöринын да посёлокса мөд номера библиотека-филиалын уджалысьяс.

Пера-багатырлөн ордымөд

И нимтöмаöсь мичаа гажсö: «Пера-багатырлөн ордымөд».

Ёма-баба да гаж нуöдысь тöдмөдісны посни-уловöс Коми Республикалөн историяөн, юасисны тöдöны-ö найö, мыйла миян дöрапасным татшöм рöма, мыйла канпас вылын тадзи серпасалома. Тшöтш и юркарса мича ингяс йылысь снимокгьяса да колана юöра слайд петкөдісны. Ёма висьтавліс и важся коми керка йылысь, мыйла важөн пöльпöч мичöдлöмаöсь овмөссö пемöс мыгöргьясөн да кызди видзчысьлöмаöсь вомидзысь.

Уна выльтор тöдмалöм бöрын ныв-зонмөс ворсöдісны «Йöла рок» ворсöмысь. Шойчигмоз сэс-ся коми йöзлөн оласног йылысь пöттöдз нöдкывгьяс тöдмавлісны.

А сэсся нин ныв-зон дорö петіс Пера-багатыр. Ас йывсьяс висьгасьöм бöрын сійö тшöтш юасис гöсьгьяслысь вöралöм да вöралысьяслөн пасгьяс йылысь, петкөдіс быдмысь войтырлы слайдывса серпасгьяс. А сэсся ставнысö ышöдіс пырöдчыны важся коми ворсöмгьясö. Челядь и «шыра-каньяысь» ворсісны, и палич кыскалісны, и вöрса «пемöсь-яссö» куталісны-кыйисны. А медбöрын ставөн сизьдісны-йöктісны коми шылад улö.

Роч кывгья челядьыд, вöлөмкö, сы мында выльторсö көсйöны тöдны коми йöзлөн оласног, традиция да культура йылысь, мый нöшта на öтчыд көсйисисны воыны татшöм ногөн гажöдчöм вылад.

Миян корр.



**Босьт
ПРИМЕР**

Төдмаси Кировысь Андрей Болтачевкөд. Том морт вөлі локтө-ма Коми муё, буретш пырөма Сыктывкарса финн-йöгра кывъяслы информатика отсөг кузя лабораторияын зильысьяс Öньö Лав да Андрей Чемышев дорö. И, вөлөмкө, зон окотапырысь босьтчөма велөдны коми кыв да зэв на и регыдъя кадөн заводитөма сёрнитны комиён. А лабораторияын уджалысьяс ськөд нарошнө сёрнитөмаось сөмын комиён, медым Андрей дзик пыр вермас быд юалөм вылө вочавидзны комиён жö.

Андрей чужлөма Кировын, помалөма сэтчөс 70 номера школа. Сэсся пырөма велөдчыны да таво на сөмын помалөма Вяткаса канму университетын автоматика да вычислительной техника юкөн. Школаын велөдчигас на зонлы кажитчылөма лужкысьны быдсикас техникаас, математика предмет сёлөм сертиыс вөлөма да и суйöрсайса кывъяс на окотапырысь велөдлөма. Школа помалөм бөрас эськө көсийөма пырны «Быт радиоэлектронной аппаратуры» специальность вылө, но сийö кад кежлас татшөм юкөнны тупкысьсөма. Со и лоөма йитны ассыс оломсö компьютеръяскöд, мый вöсна том морт ньöти оз каитчы.

Андрей - тайö Енмөн пасйөм морт. Сылөн зэв бур паметыс, мый кывлас - дыр кежлас кольö паметяс. Тайö аслыспөлöслуныс зонлы ёна отсалö быдлунъя оломас. Роч морт, но бура төдö англия да удмурт кывъяс, комиён лёкджыка на, дерт, сёрнитö. Школаас велөдлөма немеч кыв, но, кызди ачыс шуö, вунöдыштöма нин, практикаыс пö абу да. Англия да удмурт кыв велөдöма сьланкывъяс пыр, отсалөмаось и небöгыас. Студенталигас на сийö отсасьöма финн-йöгра лабораторияын уджалысьяслы лөсьöдны сідз шусяна коми кыв корпус. А кыв төдтöгыд пö техниканад көть мый вöч - водзö уджыс оз мун. Колö, медым пыр сы дорын кодкө пукаліс да индаліс, мый вöчны,

Олöй ёртасьöмөн да водзмöстчöмөн

либö аслыс кывсö велөдны. Зонмыд мөдсö бөрийөма - мөвпыштöма, мый содтöд кыв төдöмыс некутшөм лёк оз вöч. Да и уджавны сылы поэяс паськыджыка нин.

Велөдчигас пырöдчылөма быдсикас конференцияс. Енбиа мортыдлөн юрас быдсяма мөвпыс жуö. И колö пасйыны, мый сьлөн вöзиймгыасыс отсалөмаось студентъяслөн туялөмгысын.

Андрейлөн прöст кадыс этша овлө, öд зон зильö ёнджыка уджавны, босьтны практика вылын унджык төдöмлун,

быдторйö велөдчыны. А кор овлөны сийö шуда здукъясыс - тюръялö велосипедөн. Лыддысьны оз ёна радейт. Вьлторъяс төдмалö öтувезийысь, корсюрö киас босьтывлө Кировын петысь «СтудEnter» газет, а медтшöкыда ёртгыасыскöд аддзысьлө да насянж быдторсö төдмалö.

Андрей бөрийөма нин аслас олөмыслы нырвизьсö. Но шуö, мый ставыс вермө вежсьыны öти здукөн. Та вöсна талунъя томуловс корö бура мөвпыштны верстьö олөм йылысь, босьтны колана профессия,

овны ёртасьöмөн да лонны, рочөн кө шуны, мобильнойён. Медым пö некутшөм мытшöд эз вермы крукыштны тэнö да уськөдны кок вывсьыд.

Збыльысь сідзи. Быд морт вермас писькөдчыны водзлань, босьтны сийöс, мый ёна окотитö. И та вылө колö сөмын ыджыд көсийөм да вермана вын пунктöм, а такöд тшöтш и мытшöдъяс венны кужом да сөмын бур вылө надейтчөм.

Кристина СЕРГЕЕВА.

**Снимокыс
Андрей
БОЛТАЧЕВЛӨН.**



Андрей Болтачев (веськыдлагорсянныс медводгзаыс) ёртъясыскöд.

ТУЙЫН

Америка!

Тэ сэтшюм ылын и сэтшюм матын

«Молөм, Америка!»

Комидды Америкайд, вөлөмкө, абу и ылын. Колө пö сөмын ыджыд көсйөм, виза да неуна шуд. Тадзи суйөр сайо ветлөм йылысь висьталіс Влад Зварич, Ю.Спиридонов нима искусствояс гимназия-ын англия кыв велөдысь.

Тавося гожомнас том морт мато куим төлысь оліс океан сайын. А такөд тшөтш уджаліс, бурмөдіс англия кывйөн сёрнитөм да пөттөдз путешествуитіс. Комиысь ас көсйөм сертиыс ветлісны вит морт. Ставныс том велөдысьяс, кодьяслөн шойччан кадыс веськало буретш гожом выло.

Влад ёртгыскөд мунөмаөсь водзджык, а сэсса нин мукөдыс локтөмаөсь. Нывгьяс оломаөсь важонкодь нин сэтчө овны-уджавны мунлөм ёртыс ордын. А зонкаяс көртымаломаөсь квартирайысь жыр. Владдөн кывгьяс серти, оломаөсь зэв бура. Ставыс пө ки улын. А орчча жыргьясас оломаөсь том йөз - китаечьяс, накөд сэсса и ёртасьөмаөсь.

- Америкаө ветлөм йылысь ме пыр мөвпалі, - висьталіс Влад Зварич. - *Ме өтчыдысь ветлі нин, но эг ёна дыр кешлө. Мыйөн кыскө Америка? Гашкө, сійөн, мый сэні гзык мөд ногөн тэкөд сёрнитөны, «кылöны» тэнсьыд юалөмгьястө, тэ сэні - МОРТ.*

Кор Влад медводзаысь ветлөма Америкаө, сетөма аслыс кыв, мый волас мөдысь на. Од регыдгья кадөн сы ыджда странаөн тырвуйө он төдмась. Да и сёрнитанногыс Америкаын олысьяслөн ёна торьялө тані велөдөмысь.

И со бара на артмис ветлыны суйөр сайо. Медся сьөкыд пө босьтны Америкаө виза. Вермас лоны, мый став документыд бур, а собеседование он прөйдит. Мый выло видзөдөны, некод оз куж висьтавыны. И кор збыльысь тэ мөдөдчан ветлыны Америкаө, колө та йылысь кутны төд вылад: асьтө оз ков петкөдлыны, висьтавыны, мыйла збыльвыло мунан да с.в.

И кор нин тэнад киад эм виза - тэ шуда морт. Влад куим во кешлө вөчөма туристлысь виза. Сідзкө, сылөн эм позянлун тайо кадқоластнас көть кымынысь ветлыны Америкаө, төдмасьны сэтчөс карьясөн да олысьяскөд, налөн оласногөн, кывйөн.

«Уджалім, быдлаті ветлөдлім, шойччим»

Матө куим төлысь чөжнад том йөз быдторсө удитөмаөсь вөчны. Дерт, туристлөн виза оз сет позянлун уджавны. Но кыз шуласны, миян мортыд некытчө оз вош. Төдсаясыс отсалөмаөсь корсьны сідз

шусяна неофициальной удж. Том йөз зильөмаөсь аттракционгьяс вылын да вузасянінын. Дерт, мұдзыс сюрлөма жө. Но татшөм практикайд абу кольөма прөста сідз. Унатор аслыныс содтөд на босьтөмаөсь: быдсяма аттракцион вылас пуксьыв-лөмаөсь, да и вузасянінад унаторйө велөдчөмаөсь.

- *Ми уджалім кывкутөмөн, - водзө висьталіс Влад Зварич. - И миянөс эз өбидитны удждонөн. Кык төлысь уджалөм бөрын ми асланым удждон выло кык вежон чөж быдлаті, кыті удитім, ветлөдлім, төдмасим Америкалөн гуся пельөсьясөн. И эгө погөн, а көртывавлім машина.*

Том йөзид гуляйтөмаөсь Панама карті, ветлөмаөсь и тайо жө карлөн курорт юкөнө - на ногөн Панама Сити Бич. А тшөтш и Атлантаө, Орландоө, Джорджияө, волөмаөсь и ыджыд паркьясө, шуам, Universal Studios паркө, төдмасьөмаөсь Coca Cola музейөн, да уна мукөдла.

«Американечыд - восьса сьөлөма»

Америкаын олысьяс ёна торьялөны миян йөз серти. Татшөм шуөмсө унаысь нин кывлі, и Влад Зварич тайос жө висьталіс. Сэтчөс олысьясыд пө восьса сьөлөмаөсь, видзөдөны воча локтысьлы синмас, колігөн окотапырысь сетасны отсөг, висьталасны, кодарө мунны, кызди воөдчыны сійө либө мөд юкөнөдз да уна мукөдтор. Весиг пө полицейскойяс оз миянлөн моз зумышавны да пыр корсьны кутшөмкө мытшөд.

- *Ми быдлаті ветлөдлім көртывалөм машинаөн, - шуө Влад Зварич. - И ни өтчыд эгө торкөй сэтчөс туйыввса индөдгьяс. Туйясыс бурөсь, ставыс пасьялөма. Ковмывліс кө миянлы отсөг - некутшөм мытшөдтөг шыөдчылім сэтчөс олысьяс горө.*

«Чөшта вола на, Америка!»

Америка кыскө быдөнөс, коді көть өтчыдысь воліс сэтчө, но эз удит кытшовтны став инсө, кодөс көсйис. Тыдалө, мөд ногыс оз и вермы лоны.

Влад Зварич да сылөн ёртгьясыс көсйисьөмаөсь Америкалы, мый воласны нөшта на. Таво кө олісны Америкаса лунвылын, мөд во, артмас кө, войыввлангыс сетчасны. А миян газет лыддьысьяслы том йөзсянь ыджыд чолөм да аслыспөлөс корөм, медым эз повны мунны кытчөкө ылөдджык гортсянныс. Од быд выльтор мортөс мыйөкө велөдө, мыйөнкө төдмөдө да сетө позянлун сөвмыны водзө.

Нагежа ПУНЕГОВА.





Снимокъяс Влад Зваричлөн.



ШӨПКӨДЧЫШТАМ

Радейтчөм - тайо аслыспөлөс сьөлөмкылөмыс быдөнлөн аслас. Сийө отсалө гөгөрвоны, мый некутшөм мытшөд оз вермы торкны кык мортлысь өта-мөд костын йитөдсө, медся гуся да пыди сьөлөмкылөмсө. Радейтчөмыд, кыз шуоны, сетө позянлун бергөдны гөраяс, повтөг чеччыштны джуджыд ваө - адзыны торья вын, вөчны мыйкө сэтшөмтор...

Радейтчөм! Радейтчөм? Радейтчөм...

И шуда сийө мортгыс, коді олөм чөжнас коть өтчыдысь да радейтліс став сьөлөмсянныс.

Но радейтчөмыд вермө и уна мытшөд вайны. Верман радейтны тэ, а тэ вылө мусаыд весиг синсө оз чөвтлы. Либө кодлыкө тэ - став мирыс, а тэныд сийө абу сьөлөм сертиыд. А өд овлө и сідзи, мый радейтчысьяс торьялөны...

Вайө видлам гөгөрвоны, мыйла олөмас овлө сөмын тадзи, а оз мөд ногөн, и кутшөм боксянь виччысьны мытшөдсө.

Медводдза радейтчөм

Медводдзаысь радейтчыны мортгыд вермө ичөтнас на, садйө ветлігөн. Торйөн нин зэв любө видзөдны, кор өти группаө ветлысь нывка да зонка дыр кад чөж ворсөны-сёрнитөны, юксьоны чачаясөн, киён кутчысьөмөн вет-



лөны, вайөны гортсыс чөсма-сянторъяс да гөститөдөны өта-мөднысө.

Ичөт классьясын велөдчысьяс-лысь тшөтш жө тшөкыда верман

кывлыны: меным пө зэв ёна сьөлөм вылө воө сийө Настукыс либө Ванюкыс. Быдма пө, да сийөс гөтыр вылө босьта либө верөс сайө пета.

Татшөм сикас радейтчөмыс - медся сөстөм. И кор мортгыс сийөс сьөлөмнас кылө, сідзкө, мед сідзи и лоас. Кольыштас неуна кад, и татшөм радейтчөмыд өдйө вунас. Но тайө кадколастнас радейтчысь мортгө оз позь теш вылө лэптыны, колө видлыны гөгөрвоны сылысь сьөлөмкылөмсө, быд ногыс отсавны да пыдди пуктыны сылысь гусяторсө.

Өд медводдза радейтчөмыс кө сы дорысь мунас лёкногөн - сідзкө, мөдысь тайө югыд сьөлөмкылөмсө сийө пыдди пуктыны оз кут, мөдас пыр корсьны кутшөмкө мытшөд либө тырмыгөмтор.

Школаын ыджыд класса велөдчысьяслөн вермас нин чужны радейтчөмыд. И тайө шуда сьө-





лөмкылөмсö найö вермасны нуны олөм чöжыс. Быд казгыштöмысь налөн кутас чеччыны сьölөмыс, став вир-яйнас найö кутасны кывны радейтана морт дорö медводдза матыстчöмсö, кутчысь-лөмсö, окыштчöмсö.

Мыйла торъялöны радейтчысьяс?

Кымын верстыдджык мортыс, сымын мöд синмөн сийö видзöдö радейтчöм вылö. Ичöтдырйиыд кö радейтан нинöм думайттöг, то ыджыдджыкнад пырджык артасян, корсян радейтана мортыдылысь кутшöмкö тырмытöмторъяс. И кор аддзан найöс, пыр и корсян здук торйöдчыны, мед эськö он коль öбöдитöмаөн.

Торъявны позьö и олөм вылас мöд синмөн видзöдöм вöсна. Шуам, тэ мусö и васö бергöдан, медым лоны шудаөн, медым тэнад олөмыд вöли тыр-бурөн. И öд быдöнлөн тайö видзöдласыс дзык аслыспöлöс. А радейтана мортыдылы, гашкö, олөмсыыс унатор оз и

ков - медым вöли талун сёйыштны, пасьтасыыштны, кöнкö овны.

Тшöкыда овлö сідзи, мый радейтчысьяслы быть лоö овны торйөн. Шуам, öтиыс велöдчö ыджыд карын, а мöдыс олö-вылö сиктын. Весиг вермас лоны, мый олöны торъя каръясын, му шарлөн öтар-мöдар помъясын. А гашкö, том мортöс армияö служитны босьтисны? Татшöм ыджыд костыд - радейтчöмлысь öзийöм гöгөрвоом кодьон лоö. Зэв кö ыджыд да крепыд радейтчöмныд - сідзкö, олас да водзö крепаммас. А мöдарö кö лоö - öдвакö... Öд, кыдзи шуласны, син водзысь мунін, сідзкö, и сьölөмысь тшöтш...

Уна-ö колö кад радейтана морттö вунöдöм вылö?

Торйöдчöм бöрад радейтана морттö зэв сьökыд вунöдны. Торйөн нин сэк, кор став сьölөмнад радейтін, а сийö, вöлөмкö, дзык мöд пöлöс мортөн вöлөма.

Кыдзи асьтö пуктыны?

Татшöм здук дырйиыс оз ков кольчыны öтнады. Тшöкыда петавлы ывлаö, йöз дорö, звонит-аддысьлы ёртъясыдкөд. Бур, эм кö кутшöмкö матысса морт, кодлы верман восьтыны став сьölөмтö. Тэныд колö кад, медым вунöдны радейтана морттö, дугдыны дзöрны сылөн нимысь, син водзад пыр кутны сылысь мыгöрсö.

Сэсса колö асьтö босьтны киад да шуны: муніс кö и мед. Меным пö сытöг оз ло лөкджык, а гашкö, и бурджык морт на сюрас. И ставыс миян лоö бур.

Радейтчöмыд - зэв аслыспöлöс сьölөмкылөм. И коді сийöс кылö, сідзкö, мортыслөн сьölөмыс восьса мöд мортлөн сьölөмкылөмъясы. И колö шуны, мый татшöм мортыс лоас ёна шудаөн, сылөн олөмас ставыс артмас!

Радейтöй да лоöй радейтанаөн!

*Лист бокъяссö гасьтöма
öтуввезйысь босьтöм
юөр отсöгөн*





Бөрья кадö отуввейын да социальнöй лист бокьясын «уялигөн» тишкыда син улö паныдасылö сiз шусяна коми блогерьяслөн ссылкаяс - асланыс виль юбрьяс йылысь висьталом-тöдмөдөм. Окопанырьсь пыра ссылкаас да восьта лист боксö, лыдгя коми гижöдгьяссö, нимкодяся налөн енбиён, радла коми кыв совмөдысьяс понда...

Окота лои и «Йöлогa» газет лист бокын йöзöдны öти енбиа анылысь аслас блог-вывса некымын гижöд. Миян лыдгьясьяссыяслы сьлөн нимыс, дерт нин, тöдса - тайö Алёна Нестерова. Аслас блогын асьсö Алёна пасйöма Тувсовьяён. Мича öд? Тайö петасын йöзöдам кум гижöд. А шань да енбиа Алёналы сцам водзö нимкодымдны миянöс виль гижöдгьясөн и аслас блогын, и газет лист бокьясын, и виль небöггьясын.

Галина МАКАРОВА,
«Йöлогa» газетса главнöй редактор.

Коді сэтшöмыс Тувсовьяыс?

Кабалаяс серти, ме Алена Николаевна Нестерова (верöс сайö петöм бöрын виль пачпортм Есö воштöмаöсь, Алёнаён и лоö овны, кöть и Алёнаён чужи).

Кывбурьяс гижа Алёна Старцева ним улын, бать ов улын. Батьöй пыдди пуктыліс пöльяс-сянь вичмөм Старцев овсö. Век кыпыда шульваліс: «Ми öд Старцевьяс...» И тайö шуöмсыс петіс: «...колö овны морт нога, лоны шаньён, отсавны ёрта-ёртлы, мыйён верман, пыдди пуктыны йöзöс, омöльтор не вöчны...»

Казьтывсьö со мый... Ичötөн ми, нывчукöр, ёна ворслім бываын. Öта-мöд дорö ветлывлім чомйын дурыштны, вадорö лэччывлім, луд вылын катшасингьяс öктім... Öтчыд гортö локті, а мамö зэв кыз да кузь ньöрийөн вочаалö (эз эськö некор шлачкывлы, повзöдліс сöмын, но сэки зэв нин скöр чужöмөн паныдаліс), ёна и повзи, мый нин, мися, лоис. Вöлөмкö, öти тьöt норасьöма мамö-

лы, тэнад нылыд пö нывьёртгьясыскöд град вылысь морковöс нетшкöмаöсь. Мамöй аминь ёна скöрмöма ме вылö. «Ми тэнö батыдыкöд велöдлім öмöй йöзлысь босьтны?...» - лыддьöдлö мунігчöж, ньöрсö ныр улö суйöмөн. - Тэ кö сэнi вöлін, кучиктö лэдза». Локтім тьöt ордад, а сійö висьталö: «Эз, эз тайö вöv...» Бöрын нас тай кывсис жö, кодыяс... а тайö лоöмторйыс нэм кежлö вежöрам... ко ли...

«Войыв кодзув» журналысь главнöй редактор Öльöш Полугрудов сералигмоз Старцева-Нестероваён шуö. Öни менам нывьёрт да кывбур гижысь Алёна Шомысова, верöс сайö петöм бöрын, лоис паспортас Старцеваён, мед не сорасыны, тадз и ковмас торйöдны: Старцева-Нестерова да Старцева-Шомысова.

Алёнаён бать-мам шуисны. Пöчö эськö Зояён тшöктöма индыны, но бать-мамлы ёна кажит-

чöма мойдывьса Алёнушка, да сідзи и нимтісны. Мед пö Алёнушкаыс кодэ жö быдмас сюсьён, мичаён да шаньён...

Ичötөн лун и вой бöрдсыйлöма. Мам казьтылö, быд жырийын пö миян потан вöлі. Век пö лои тэнö лайкйöдлыны, мед он бöрд. Пывсьöдлöмаöсь, лыддьöдлöмаöсь, да со мортөн жö быдмысьöма, öни этшаджыка нин бöрда...

А Тувсовьянас ачым ачымöс нимті. Олам сямöй сэтшöм - турлысья, кор ывлаыс ловзьö, кор ловлы кыпыд, кор радейтан тэнö кытшалаысь йöзсö, вөр-васö, олөмсö...

Öшиньöс восьта да пыдіа-пыдіа лолышта... Асьядор писькөдчысь югөрөн радпырысь мысья... Тövбыдөн чукöрмөм курыдсö шуйгавыв койышта...

Тувсовья дзоридз моз шонділань ньöжйöник кысыя...
А. СТАРЦЕВА





Арся

Гожом-арын коми йоз заштысьоны кузь төв кежлө. Турун - мөслы, мед чөскыд йөв юны, тшак-вотос да град выв пуктас - аслыныс пызан вылө номсасьны, гожом көр казтывны... Сиктын да дачаяс вылын пуö удж. Ме, дерт, тшөтш град вылын, а сэсся плата дорын нокся. И зэв радейта тайос вöчны. Му дор удж - менам медадейтана удж! Муыс босытö став шогтö да сетö вынъяс! Ловзьöдö мортсö! А сэсся вобыд чöсмöдö босытöмторнас.

Кыз шулöмаось важон, гожся луныд төвбыд вердö... Зиль морттö.

«Ы» Ыджыдвиддзын

«Йöлöга» газет лист бокъясын «Ы» петас сöмын на мöдiс петны, а лыддысьысыс да выль петассö виччысьысыс бура унакодь нин лоис... Ми та вылö зэв радöсь! А «Ы» вылö радейчысьтö, дерт, быдтöны тшöтш и коми кыв велöдысьяс. Шуам, важгортса челядöс ышöдö... Ирина Владимировна Калинина, а ыджыдвидзса велöдчысьясöс - Эльвира Александровна Старцева. Со весиг ыджыдвидзсаыд снимайтчöмаось «Ы» газетнас. Миян нимкодным мыйта!!! Аттьö велöдысьяслы да коми ныв-зонлы газетнымöс донъялöмысь! Тiян ради öд ставыс тайö и вöчсьö!

Алёна ТУВСОВЪЯ



<http://tuvsovja.blogspot.ru/>

ВӨЛӨМКӨ

Вөлөмкө, ми унатор на оз төдөй кык гөгыля «ёрт» - велосипед - ыйлысь.

Кык гөгыля «ёрт» ыйлысь...

* Медводдза велосипед дасьтөмаось Германияын 1817 воын. Сійө вөлөма пу рамаа да педальстөм, та вөсна ботинки пьдөсьяс өдйө и киссьылөмаось.

* А велосипед педальссьө вөчөма нин Францияысь механик.

* Став мир пасьта велосипедьяслөн лыдыс өкмө миллиард гөгөр - тайө кык пөв уна мотоцикльсь да машинаысь.

* Велосипед көлесалы шинаө сынөд пөлтны мөвпыштөмаось ёна водзжык мотоциклетьяслөн шина дорысь.

* Медводдза велосипедьяслөн воддза көлесаыс вөлөма ёна ыджыджык бөрьясыс. Татшөм «дивөыслөн», вөлөмкө, вель сьёкыда бергалөуджалө приводыс.

* Öнйя кодь кык гөгыля велосипедтө, кутшөмөс ми ставөн төдам, вөчөмаось 1900 воын.

* 50 арөса датчанин Фред Ромпелберг пуктөма велосипед өдлысь рекорд - 268, 831 километр часнас.

* Велосипедөн ветлөм сотө часнас 600 калорий.

* Кык гөгыля «ёрт» вылын ми ветлам куим пөв өдйөджык подөн восьлалөм да котөртөм дорысь.

* 1.037 километра туйын велосипедистөн бырөдөм вын өткодявсьө литра мында бензин видзөмкөд. Сидзкө, велосипедөн ветлысьяс шөркодя видзтөны (экономитөны) 238 миллион галлон бензин.

* Машиналөн өти паркуйтчан инө позьө төрөдны 20 велосипед.



* Мирын медся ичөт велосипедлысь көлесасө вөчөмаось долларлөн эзысь көрт сьөмысь.

* Америкаса олысь Майкл Сикрест муһома велосипедөн суткинас 1.217 миль.

* Японияын челядьлы оз шуны «бур» либө «лөк». Сэни велосипед сувтөданиньясь өшөдөмаось гижөда-серпаса пөвьяс. Öтарас серпасалөма мичаа сулалысь велосипедьяс да гижөма: «Тадзи сувтөдөны кык гөгыля «ёртъяссө» бур челядь». А мөдас серпасалөма шыбитөм велосипедьяс да гижөма: «Тадзи бур ныв-зон велосипедьястө оз пуктыны!»

* Мирын өни тюрьялө миллион гөгөр электровелосипед. А Швейцарияын дасьтөм электровелосипед вермө часнас өдсө кыпөдны сө километраөдз.



«Коми йозодчан керка»
Коми Республикаса
автономной учреждение,
«Йолога» газет
редакция.

Адрес:

167982, Сыктывкар,
К.Маркс улича,
229-өд керка,
401-402 кабинетъяс.
Тел. 24-12-22, 24-36-49.
E-mail: Yologa@mail.ru

Веськөдлысь
В.В.ПОПОВ
Гл.редактор
Г.В.МАКАРОВА



Газет панысь:
Печать да юор сетан Коми
Республикаса агентство.
Регистрируйтöма
2007 вося ноябрь 28 лунö
йöзлы юор сетöм да
культураса озырлун видзöм
кузя оланпасъяс
збыльмöдöм бöрся
видзöдысь федеральной
службалöн Беломорской
управлениеын.
Регистрируйтан пас:
ПИ №ФС 3-0686.

Социальной төдчанлуна
гижöдъяссö йöзöдöма «Коми
йöзöдчан керка» автономной
учреждениеылы печать да юор
сетан КР-са агентствоон
вичмöдöм сьöм вылö.



Редакцияын
уджалысьяс:
том йöзлөн мытшöдъяс
юкөнөн веськөдлысь –
Надежда Пунегова;

письмö юкөнөн
веськөдлысь –
Екатерина Микушева.



Медводза лист бокас
снимокыс
Влад
Зваричлөн.



Авторъяслөн мөвпяяс оз
пыр лöсявны редакциялөн
видзöдласкөд.



Тираж – 475
Гижöдчан индекс – 52099.
«Йолога» газет петö
1991-өд восянь
вежоннас öтчыд, комиөн.
Доныс сёрнитчöмөн.



Печатьö кырымалан кад:
график серти – сентябрь
тöлысьлөн 24-өд лунö
16 часын; кырымалöма
печатьö 16 часын.
Газет печатайтöма
«Коми республиканской
типография» ООО-ын дась
оригинал-макетъясысь.
167610, Сыктывкар,
В.Савин улича, 81
Заказ №

Мастер-КЛАСС


*Тайö петасын «Йөлөгалы»
тöдса нин ань, Эжваса серпасаян
школаын велöдысь Елена Юреев-
на Ветошкина, велöдö дасьтыны
ичöтик козин. Регыд öд кутам
пасйыны Велöдысь лун, а ас киөн
дасьтöмторйыд ёна и любö лöö
радейтана велöдысьыдлы.*



Велöдысьлы козин

Козин вöчöм могысь колö:

Ручка-карандаш вигзанін (подставка), нель пу бөдь (шампур), тейп-лента, искусственной мича коръяс, дзоридз, яблög, сизаль, клей-пистолет, гипс, пенопластысь шар, ичöтик енгаг.



Медводз гартлам-öтлаöдам пу бөдъяссö
тейп-лентаөн.

Гипссö кизьöртам ваён да кистам
подставкаас, кытчö и сюям гартлём
бөдсьö.

Бөдь йылас пысалам пенопластысь
шар, сэтчö нин клеитам коръяс, дзоридз,
яблög.

Позяс, да и колö, тыртны подставкасö
ручка-карандашён да мукöд канцтöварён.



Медбöрын
нöшта мич-
мöдны.



**Велöдысьлы
козин дась.**



Мукөддырйи локтан гортад, а сәни нинөмөн нуръясьнытө. И колө эськө зэв өдйө да мыйкө чөскыдтор дасьтыны. «Йөлөгаса» Дашук воө отсөг вылө, юксьө аслас чөскыдторъясөн.



Дашук
ВЕЛОДО

Дасьтам өдйө - сёям чөскыда

Колькъя-сыра спагетти

Колө: спагетти, кольк, чорыг сыр, лук, сов, переч, мөс вый, лук-укроп.

Медводз пуам спагетти да кисьтам сэтись васө. Сы бөрын тертука пыр лэдзам сыр, а лук-укроп посньөдлам. Торъя тасьтё гудралам кольк, сыр да переч. Лук жаритам вый пиын, сэсся содтам сэтчө спагетти, недыр мысти - торйөн гудралөм кольк да сыр. Пара здук ставсө отлаын жаритам, а сэсся пуктам артмөм-торсө тасьтё. Медбөрын пөсь спагетти вылө тэчам кольбөм сыр да посньөдлөм лук-укроп.



Яйысь да кабачкысь котлет


Колө: өдйө пусьысь яй (чипан, индейка), өти кабачок, сов, посни переч, көнтусь вый, крахмал, лук.

Медводз дасьтам кабачок - перъялам көйдысьяссө да посньөдлам тертука либө блендер пыр. Та бөрын мясорубка пыр шырам яй да лук. Артмөм фарш пытшкас пуктам посньөдлөм кабачок, содтам сэтчө крахмал, сов, переч. Сэсся вөчалам котлетьяс да жаритам. А медым пөтөсәджык сёян артмис, котлет дорад позьө макарон либө картупель пуны.

Чипанлөн мус

Колө: чипан мус, сыр, тшак, лук-укроп, посньөдлөм сукар, нөк, сов, переч.

Медводз гөгрөса вундалам лук, жаритам да перъялам тасьтё. Сэсся торйөдлам чипан мус, пызь пиын быгльөдлам да жаритам лук бөрын кольбөм вый пытшкын. Жаритчөм бөрын муссө перечалам да тэчам тасьтё. Сэсся скөвөрөдаө пуктам нөк, содтам сэтчө сыр, тшак, лук-укроп. Медбөрын нин босьтам колана дозмукө да выялам, сэсся тэчам чипан мус, лук, нөкысь вөчөм соусөн ставсө бура кисьтам, вылісьяныс сукаралам да сюям водзвыв шонтыштөм пөжасян пачө 20 минут кежлө. Кад кольбөм бөрын чөскыда и нуръясям.



Моркова чери

Колө: гөрбуша чери, морков, сов, пызь, переч, көнтусь вый.

Медводз мичаа мыськам гөрбуша чери, косөдыштам да вундалам нейджыд торъяс вылө. Сэсся торъя дозмукө гудралам сов да пызь, сәни быгльөдлам чери торъяс. Та бөрын гөрбуша жаритам көнтусь выйын сідзи, медым артмис чөскыд корка. Чери небзьөм могысь суйлам сйөс пачө. А сэккості вөчам маринад сяма. Та вылө бедьясөн вундалам морков, лук да пуктам жаритчыны. Кор нин лук-морков пөшти дась лоө, скөвөрөдаө содтам пузьбөдөм ва, мед град выв пуктасыс вевттысис, содтам ичөтика уксус, переч да лавр кор. Нөшта на жаритам. Медбөрын кисьтам артмөмторсө чери вылө да отлаын суйлам пөжасян пачө.

НЯНЬ-СОВ!